

衢州文獻集成

〔史部〕

第
29
冊

衢州文獻集成

黃靈庚 諸葛慧艷

主編

〔史部〕

第
29
冊

國家圖書館出版社

第二九冊目錄


〔天啓〕衢州府志十六卷（卷四至十）

（明）林應翔修（明）葉秉敬等纂
明崇禎五年（1632）增修刻本

.....

衢
州
府
志

四




衢州府志卷之四

職官志

名宦列傳

人存政舉方策止屬陳筌天在山中往行鎮宜參
識水鑑無如人鑑正可借往轍以觸新猷仁言不
如仁聲况復格羣情以彰實效與其獨憑胸臆督
索而力窮孰若仰率章程事半而功倍所不可拘
者變更之時勢固難執稀膏以轉方穿所不可易
者仁愛之真心會須照肺肝以破偏滯積美具在



歲久不塵竝賴後賢續茲慧命志名宦列傳二之

十

唐李禕

唐太宗之孫鬱林王恪之次子善事繼母撫異母弟
祗以友稱當襲封固讓祗中宗嘉其意特封嗣江王
開元時徙信安郡王累爲州刺史治嚴辨遷朔方節
度使子峴亦刺衢

薛戎

字元大
七年任已祀名宦
元和

以刑部郎遷河南令歷衢湖常三州刺史所至以立

正寬大稱終浙東觀察使

李素

已祀
名宦

初爲度支郎時衢饑擇刺史侍郎曰莫如素遂刺衢

見韓文公集河
南少尹墓誌

宋高賦

衢民好巫鬼有世蓄蠱毒者賦至捕之伏辜者數人
蠱毒遂絕郡人爲立生祠

彭汝方

宣和三年任
已祀名宦

睦寇方臘犯境汝方扞城死贈諫議大夫龍圖閣直

學士

高至臨

自睦寇陷衢彭守方死公至築城三面浚濠北阻大
溪後數有叛將皆不得薄城民賴以無恐秩朝奉郎
直龍圖閣

胡唐老

建炎三年任
已祀名宦

苗傅犯衢胡據城拒之會大雨雹城上矢石俱發不
克攻遂引去

錢端禮

已祀
名宦

以右中奉大夫直龍圖閣至參政政蹟無考

劉珙

已祀
名宦

以左朝散郎克集英殿修撰除敷文閣待制知潭州
後至觀文殿學士

王悅

盛暑禱雨疏食減膳憂勤致疾而死贈直龍圖閣

達魯花赤列傳

元布伯

至元二十
二年

創建公解撫字有聲

總管列傳

元朱霽

大德十一年任
已祀名宦

訟簡民安具諸案牘脩建路治廟學纂撰信安志祭

然一新

白景亮

字明甫南陽人
已祀名宦

以行省驛曹掾四轉而來爲守律已清約賦平訟簡

吏畏民懷

宋景濂與書
見藝文志

郡守列傳

明皇文輻

太祖高皇帝諭曰爾文輅承朕命知彌州府事奉公
子民毋造後愆則汝嘉焉

黃輿

湖廣黃岡人洪武
四年任已祀名宦

芟草萊以營府治增城堡以撫流亡文教聿興水利
永賴頑民嘯聚親入其壘擒縱得宜開衢之官有大
功者也時郡丞余伯深同心佐政竝祀清節祠中

有記

吳澤

洪武間任江西
人已祀名宦

仁心惠政者舊至今稱之

畢貞

洪武
中任

禮法自持羣吏敬憚公庭肅然

郭敦

洪武二十三年任歷戶禮二部
尚書字仲厚棠邑人已祀名宦

克已愛民純良忠厚禱蝗輒息夫人躬蠶有績爲金帶之瑞滿去民思之若父母

夏昇

字景高鹽城人先任開化
縣丞樂中陞知府祀名宦

廉而且能吏民畏服被誣去官其後曾由政簡貞繼任民思夏公謠曰曾也曾不上簡也簡不下若要民情安除非是老夏吏部以實聞復任終萊州府民至今心之

朱敬

山陽縣人宣德間由戶部郎中陞任已祀名宦

蒞政勤能民懷吏服府治皆其建造秩滿致仕

黃勝

福建建陽縣人由楷書任戶部郎中宣德中陞任已祀名宦

有守有爲葉豪軍治強梗民心翕服去任多垂涕者

白琮

河南新野人由進士工科給事中正統十四年任祀名宦

清勤剛介政績著聞王師征閩括寇猖獗供億調度

防禦攻守厥功甚著

王高

字邦彥安福人景泰間由進士兵部郎中陞任已祀名宦

寬厚愛民民深德之仕至河南布政使

福州府志
卷之四
唐瑜

字廷美松江上海人

進士禮科給事中
天順五年任已祀名宦仕至都御史

廉明公恕愷悌慈祥政教兼舉其大者如重建郡學
造就生徒復孔氏祔田造石塘浮橋歲禋禱而應
疫疹祈神而弭有點民李延騅富室金事覺鬻妻以
償侯贖之而宥其罪倉職呂某貧卒於官其妻鬻女
以殮侯贖之而歸其櫬辯常山鄭英之死釋龍游金
某之冤胡詔爲文記之

閻鐸

字文振興平縣人

進上

順天府尹左
遷祀名宦河南參政浙江布政使

剛大之氣通達之才政事嚴明奸宄屏息尤好飭勵

生從長於詩章

李汝嘉

福建晉江人
郎中陞任

進士戶部
陞浙江參政

持已勤慎洫政寬平修郡學新西安縣學均徭役建
橋梁民至今賴之

張俊

博野人

監生任

通判同
弘治初陞任

質直清約治事實平壇壝城垣多其脩理夫人歿歛
以布衾而已

饒泗

江西進賢人

弘治
六年任

祀名宦

愛民如子聞善若飴捐俸散粟以恤旱災給資勵課

以興學政借寇王稔妻帑不入官舍布被脫粟冰厨
屢空超轉參伯公已捐館僚友躬殮見其行筇蕭然
士民白衣扳送直抵懷王其後共立饒公明德祠

沈杰

字良臣 長洲人 由進士
弘治十一年任 已祀名宦

政尚和平廢隆興舉時城垣傾圯脩築增固雉堞建
窩舖箭樓新郡治建承流宣化二坊作尊經閣疏請
孔氏承廕博士復趙清獻祠祀均徭役申減重賦建
滄臬行臺樹科第牌坊以激勸來學浚河引石室暖
水入濠皆有利於民